

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI / ZASTUPNIČKI DOM
Komisija za vanjsku trgovinu i carine
Povjerenstvo za vanjsku trgovinu i carine
Broj: 01/3-50-1-3-13/07
Sarajevo, 30. 10. 2007. godine



БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ
Комисија за спољну трговину и царине

Z A P I S N I K
13. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 30. 10. 2007. godine

Sjednica je počela u 13,30 sati.

Sjednicom je predsjedavao prvi zamjenik predsjedavajuće Komisije Mehmed Suljkanović.

Sjednici su prisustvovali članovi Komisije: Slavko Jovičić, Šemsudin Mehmedović, Salko Sokolović, Hadži Jovan Mitrović, Ekrem Ajanović, Jozo Križanović i Jerko Ivanković Lijanović.

Opravdano je odsustvovala Snježana Rajilić.

Sjednici su, također, prisustvovali: Hajrudin Podbičanin, pomoćnik ministra vanjske trgovine i ekonomskih odnosa BiH, Čedomir Ljuboja, rukovodilac Odsjeka za carinsku tarifu u Ministarstvu vanjske trgovine i ekonomskih odnosa BiH, Zijad Sinanović, direktor Sektora za transport i komunikacije Vanjskotrgovinske komore BiH, i Emira Češljarić, sekretar Komisije.

Za sjednicu Komisije predložen je i jednoglasno usvojen sljedeći

D N E V N I R E D

1. Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu, u skladu s članom 111. Poslovnika Predstavničkog doma, predlažać: Vijeće ministara BiH,
(amandmane na Zakon dostavili su: Snježana Rajilić dva puta, Šemsudin Mehmedović, Jerko Ivanković Lijanović i grupa poslanika: Šemsudin Mehmedović, Jerko Ivanković Lijanović, Hadži Jovan Mitrović, Mehmed Suljkanović i Jozo Križanović;
2. Tekuća pitanja.

Ad.1.

Razmatranje Prijedloga zakona o izmjenama Zakona o carinskoj tarifi BiH radi dostavljanja mišljenja Predstavničkom domu, u skladu s članom 111. Poslovnika Predstavničkog doma, predlažać: Vijeće ministara BiH

Mehmed Suljkanović je, u odsustvu predsjedavajuće Komisije Snježane Rajilić, predsjedavao sjednicom. Napomenuo je da je Slavko Jovičić ovlašten da, u ime Snježane Rajilić, zastupa i brani amandmane koje je predložila na Prijedlog zakona.

Konstatirano je da su amandmane na Zakon dostavili: Snježana Rajilić dva puta, Šemsudin Mehmedović, Jerko Ivanković Lijanović i grupa poslanika: Šemsudin Mehmedović, Jerko Ivanković Lijanović, Hadži Jovan Mitrović, Mehmed Suljkanović i Jozo Križanović.

U raspravi su učestvovali: Slavko Jovičić, Šemsudin Mehmedović, Mehmed Suljkanović, Ekrem Ajanović i Jerko Ivanković Lijanović.

Dogovoreno je da se o amandmanima vodi rasprava i glasa sljedećim redoslijedom:

1. **Amandman I., II., III. i IV. grupe** poslanika (Šemsudin Mehmedović, Jerko Ivanković Lijanović, Hadži Jovan Mitrović, Mehmed Suljkanović i Jozo Križanović), sa sedam glasova "za", i jednim „suzdržanim“ glasom, Komisija **je usvojila**.
2. **Amandman I.** Šemsudina Mehmedovića Komisija **je usvojila** jednoglasno.
3. **Amandman II., IV. i drugi stav Amandmana I.** kojim dodaje novu tarifnu oznaku 4823 19 00 00 u Poglavlju 48. Jerka Ivankovića Lijanovića Komisija je jednoglasno usvojila. Od amandmana III., V. i VI. predlagač je odustao na sjednici Komisije.
4. **Amandman I.** Snježane Rajilić na tarifne oznake u Poglavlju 84., sa sedam glasova "za", i jednim „suzdržanim“ glasom, Komisija **je usvojila**.
5. **Amandman I.** Snježane Rajilić, predložen za tarifne oznake u Poglavlju 8, 11, 12, 15, 17, 20, 27, 44, 48, 50, 51, 52, 54, 55, 56, 58, 59, 60, 62, 64 i 72, nakon rasprave predloženo je da se razmatra na narednoj sjednici Komisije imajući u vidu da je određeni broj već usvojen u amandmanima grupe poslanika koji se podudaraju. Zaključeno je da se naredna sjednica Komisije održi 12.11.2007. u 10 sati, a da se u međuvremenu s predlagačem amandmana pokuša dogovoriti pravac razmatranja izmjena carinskih stopa u poglavljima koja se ne podudaraju s već usvojenim amandmanima grupe poslanika.
Predstavници MVTEO zamoljeni su za tehničku pomoć prilikom ugradnje amandmana u tekst Prijedloga zakona, ali je odgovoreno da je to obiman posao i da je potrebno oko dva mjeseca da bi se on uradio.
Jerko Ivanković Lijanović obavezao se da usvojene amandmane ugradi u tekst Zakona koji će biti, nakon razmatranja i usvajanja amandmana Snježane Rajilić, kompletirani i dostavljeni Upravnom odboru UIO BiH s prijedlogom da, na osnovu člana 25. Zakona o sistemu indirektnog oporezivanja u BiH, dostave odobrenje za predložene izmjene Zakona.

Ad.3.

Tekuća pitanja

O ovoj tački dnevnog reda nije bilo rasprave.

Sjednica je završena u 14,45 sati.

Sastavni dio ovog zapisnika su razmatrani amandmani.

Sekretar Komisije
Emira Češljar

Prvi zamjenik predsjedavajuće Komisije
Mehmed Suljkanović